

金粟山房詩鈔

序

予幼稟 家訓倅叨科舉入仕後徧識海內之賢士大夫時復縱觀古今事變愚不忘其一得頗思勉爲世用顧寒滯不偶性旣疎直久益坐困官太學者垂三十年前歲以校書

中禁稍擢郡守又值庚子之變乃幡然閉戶鼓琴歌詩以自娛生平作多散棄乘暇料檢自十四歲咸豐己未迄今年辛丑夏凡得古近體詩六百六十七首訂爲前編本祇遣興不以示人以半生輓迹凡百情感所寄惟

詩頗傳其真詩實爲我知己我遂未忍負詩梓以代鈔
情所難已後之覽者或於三千大千世界恆河沙數中
略知有此一人未始非有生來之一幸事也若謂予將
以詩鳴且必與古之詩人並傳則豈知詩抑豈知予者
哉光緒辛丑長夏金粟山人自序

金粟山房詩鈔目錄

按年編輯聊志歲月又仿山左詩鈔例凡詩中
應擡寫之字皆空一格

卷一

古近體詩四十三首

卷二

古近體詩四十四首

卷三

古近體詩六十七首

卷四

古近體詩八十七首

卷五

古近體詩四十五首

卷六

古近體詩四十六首

卷七

古近體詩五十二首

卷八

古近體詩九十五首

卷九

古近體詩一百十六首

卷十

古近體詩七十二首

金粟山房詩鈔卷一 己未至甲子

大興 朱竊瀛 芷青

詠葵

柔李剛甲茁芳叢粲粲離光萬葉中
一種清妍存正色
愛他隨日不隨風

登潞河城樓文昌閣

客從 帝城來州覺小於白偶矚東南隅
隆然矗層阜
巒巒魚鱗閒一閣橫雲陡肇祀稱文昌
氣壓燕臺久長
夏獻賦畢 昨院試 同林盡小友
相約開心顏躡梯登恐
經古

後絕頂目一豁萬象無不有雲氣入深檐風聲盪疎牖
觚棱金殿角舟帆珠港口北峙塔最高相衡竟培塿戴
筐六星連掬之疑在手此際酬高歌精神倍抖擻焉管
鐘聲催夕陽下林藪出語驚凡塵朱衣若點首同是賓
洛年華山吟自負異時此會人問孰踐台斗

遊法源寺

卽唐時
憫忠寺

翠霧彌經閣青燐語石臺看花誰到此日午梵音來

表姊丈徐穆薌

文滄

領戊午浙闈鄉薦公車到京

喜賦

盧李姻兼兩姓家

予兩姑分適孫宋蘭因表姊宋出也幼育於孫遂從孫姓

溫郎才

早軼羣誇娛親字寫泥金煥話舊蹤懷鏡水遐許我容
光輝綠鬢知君懷抱鬱青霞雲程此是初桃上轉眼同
探上苑花

題金臺書院壁

招虞弓不至招士金豈來如何燕禮士但築黃金臺請
從隗始隗已誤無怪士來又終去天馬颯然嘶長空昂
首匪在苜蓿叢我思下車解紱之高風

己未秋試第三場與祥符沈叔眉

源深

訂交號舍

有贈

羊氏金環領尙承

叔眉時尙帶童子頂圈

阿孩同志許爲朋龍門

此會眞希有直擬青蓮賦大鵬

頰水早逢張壯武

謂番禺張君兆鼎叔眉長予兩歲張少予一歲

風檐重識沈

休文蒹葭倚玉祇慙我幸許聲隨驥尾聞

秋夜感懷

暑年偏易感蹉跎靜撫堂堂歲月過四海論交知己少

一秋著句冷懷多養親未遂曾參志射策誰推李邵科

贏得頰番雷雨動夜深挂壁看龍梭

曩於沈韶仙農部

學海

齋頭見其姝倩馮君秀瑩

悼亡百韻情文俱至昨遇馮君年甫逾壯不娶

已五年餘矣贈以短章聊志欽挹

讀君詩百韻使我思千迴荀粲傳高義秦嘉負雋才桐

根誰共影

自號桐根居士

桃葉敢輕媒

或勸世小星君以有子堅卻之

漫比淋

鈴曲金天鴈獨哀

君駢文詩餘在所居曰守鴈山房又自號金鴈詞人

本朝諸作家上題

賀徐訂卿

啟謨

就婚涉上

清照才人萬口傳

夫人李氏毓爛能詩

藍橋此會羨如仙盈盈湘

水含春迓城北徐公正少年

幾年人悵隔天河今日雙雙曳佩珂我正蟾宮乞青桂
輸君身早近嫦娥

贈邵香聽大令

承照

誰似西坡子千言頃刻成兵戈多涉歷

以孝廉佐近畿戎幕壇坫

久縱橫湖海元龍氣門庭老鳳聲忘年交幸締巨擘愧

鄉評

邑有輕予年少者君正色謂之曰某正吾鄉巨擘也聞之殊愧

喜訂卿至自山左

頻年徐碑走天涯握手今忘鳳泊嗟貽我詩篇增妙麗
佛山雲樹聖湖花

馮稚容許山生頻來溯舊遊依然蕭寺語綢繆關情昨夕吟

紅豆千里銀河風露秋

示我七夕
憶內之作

放眼誰爲曠世才往來猶共踏黃槐翹看文采輝京國
無負題襟沛上回

許卿令兄夢江侍御啟文邀同梅小巖太史啟熙

令弟少巖啟熙孫靜山銓部汝霖令弟朗山汝

明暨李慎卿宗瀚陳仲敏光瑄諸同年宅中夜

讌送次早 保和殿覆試

鵠原同喜擷秋華聯袂宵趨北海家鼎許靈丹仙界問

五男上房三子
衣爭慘綠少年誇巾箱檢點談鋒發
核紛陳酒力加
珥筆承明看乍入雲程欣藉指南車

贈許容生同年 以保

記識馮雅徐訂後推襟更有君詩才超用晦世用勗長

文久結宣南社同空冀北羣聯飛期鳳侶潞水近青雲

時居通
州甥館

題周樸卿太守 士澄 吉金壽石齋詩草 周天津人
與訂卿同

爲臬蘭李仲衡先生壻兩試不第從軍
塞外補官山左癸亥春識於京師道院

手縛麒麟未足奇此山集出壓當時津滄正受陽城召

江海常攄鮑照思遠塞橫戈迴落日明湖聯袂詠清漪
燭天有寶驚金石光氣全歸筆一枝

使君高格絕時賢文字偏容我結緣松寺自熏沈水炷
蘭堂時寄衍波箋瓊詞滿篋酬清照妙想臨池見惠連
夫人星白女史令弟
敏卿刺史俱能詩
怪煞江南人不識題名惟羨榜花
鮮

昌黎崔子玉

樹寶

爲予選婚楚南某氏未就詩以

謝之

紅葉媒誰是青衫客久憐

君以名孝廉負俠氣有黃衫客之目

感君殷道

地許我富情天貧士羞人熱高堂盼婦賢芙蓉山自豔
長沙有芙蓉山其奈鏡中緣

題許卿明湖春泛圖

風光絕勝武林秋況有鴛鴦暖共遊遙識詩仙題句處
湖雲山翠罨妝樓

又題許卿沛上題襟卷子

大明湖上駐征輪名士軒中作主人二百年來風再見
紅橋同賦冶遊春

容生子玉春夜聯句有樓闌曲盞月痕碎風露浸

淫人影涼二語愛誦不釋作此以答

春宵良可愛花月總娟娟況有樓闌好相將袂影聯迎
眸風景秀上口露華鮮清絕詩何似鶯撩雨後天

贈陳鶴溪同年

名玉章遼東人前江南糧儲道克讓嗣子襲騎都尉官戶部

金陵紹忠閎繡嶺有詩人都尉韜鈴廣曹郎會計新鸞
皇欣翹接金石許心親拭矚青雲上同懷誌此辰

題遼東生秋夢錄

遼東樊戶部鴻錫自記云辛酉秋寓京師之南橫街晝倦假寐

忽若步遊墟落一麗人瞥引入室呼婢捧茶語移時出歸覺庭戶歷歷歛然而醒茶香猶在殆所謂神出舍者張子湘濤爲作此錄儻作會真記觀當是鈍根人又豈知予者耶

秋心愁殺杜樊川
遠引離魂亦可憐
爲問娟娟原上女
可能知唱鮑家篇

不同雲雨幻高唐
一枕蘅蕪無限香
獨笑邯鄲傳色相
美人曾未出黃梁

甲子正月大梁裴石麓樞密

季芳

延予課兩郎舉

業封翁年八十餘矣每食三代一堂禮殷意洽
喜而賦此

擁篲古人風謙光一室同不圖負薪子還遇杖藜翁眼
福誇金石

翁善書畫
精鑒古

心期慰雨風皋比容坐擁慙我亦

經董

予時猶未冠與
文孫維儼同庚

下山時復袖雙劍照水偶然簪一花寶坻李夢韶

漕帥

鈞

所錄卮壇女仙句也見而愛之漫題其

後

花是美人妝劍是美人膽倚劍復簪花步出瑤池遠

叶

仙兮仙兮何珊珊兮不遇文簫甯驂鸞兮

裴春橋封翁

傳

以所藏大興翁氏六面印見示爲

作此歌

夷門逸叟

封翁
自號

多古風行年八十方雙瞳眼光如月照

海內微瞬未屑垂凡庸文章氣誼老愈重敬禮乃到童
子鴻昨持六面印示我出袖已見光騰虹五人鐫名共
一石體仿漢製文相從曲阜太史署菘谷吳門舍人稱
瘦銅西江才子鉛山蔣吾鄉學士覃溪翁誰其刻者濂
溪子小亭鐵筆真神工其一足成取賦句千里明月期
相同印係青田石方六分刻小篆五面列五人姓名一面刻隔千里兮共明月大書跋語誌
時日壬寅重九維乾隆緬想當年盛文謙中朝諸老風
流宗五詠迴環常如對覃溪先生有句云五詠迴環如對矣四愁悵望所思兮註云與
孔菘谷諸君同迄今友誼昭無窮維叟多情兼嗜古邈
賦卽指此事

近收從燕市中自言與周舊姻婭齋曾佳日覘玲瓏小亭

觀祭輯有佳此印當日刻有五人藏其一懷深衷所得

日齋印存審為翁氏物篆泥深蝕雷蚪紅七十二年偶然出得於咸豐

癸丑呵護完好非人功天以高情示千古要豈珍玩摩抄

供欲效前人還觥舉許國銘兕觥贈趙忠毅觥後為顏氏所得覃溪乞而歸之徵有圖詠

惜哉舊邸迷蒿蓬我聞此言重太息世差末技矜雕蟲

一尉署門歎羅雀三人割席無全龍肺腑當前不可見

況其兩地殊萍蹤面面相親心心印五君此誼輝高穹

漫言東海創舊式漢徐軌有六面印何論雅集鐫青宮王漁洋有宮僚

雅集
杯

拓紙皎然明月在生氣鬱鬱細紋重一物恍見古
人誼視之直等圭璧崇願承叟言勵志節不使真性稍
虧蒙歌成更爲叟獻壽永同堅石齊喬嵩

程容伯先生

恭壽

枉過敝齋以手書紈扇見貽敬

謝

墨妙爭傳似右軍正愁相換少鵝羣不圖茅屋清寒裏
飛下郇公五朵雲

高軒特過庾園中拂素親題妙筆工從此光庭侍明道
朝朝常詡坐春風

甲子重九二十初度步登琉璃窰小閣

攜壺來醉紫萸天小閣當風袂影鮮不似登龍燒尾過
臚雲慙負稚圭年

纔向椿庭祝百齡

家大人今年六十壽前三日甫稱觴

弱年甲子更新經

雲閒賦就憑誰賞迤邐西山向我青

容生小女四齡矣書來寄予剡下名以葉清字曰

誦宜

宣平小女最超羣灼灼瓊枝照錦雲爲錫嘉名期異日

看宜家室誦清芬

香火緣深誼有加掌珠特許寄陶家阿嬰祇恐堂前覓

愧煞金護尙未花

時予尙未娶

哭徐夢江給諫

幾年文酒共縱橫秋水蒙莊見性情死尙扶餘傳事業

乘舳板赴闕守任沒於風濤有傳爲飄至洋嶼得各國君長禮敬徧遊海外者生空梁苑掌文

衡辛酉典試河南以停考折同

十洲遊戲蹤眞杳半世窮愁累未清

青眼憐才誇後進每披遺蹟淚先傾

題黎敘疇同年尊慈朱太夫人畫詩樓稟

樓在漳郡石碼

廳署

早從荻畫播清芬林下清風 日下聞貽得經香光累

葉紫陽家世有宣文

七閩三晉舊經遊無限雲山句裏收不是神仙誰許住
千秋風景畫詩樓

軋軋輕輿度翠屏

集中經溫陵山句

蓮花梅蘂

皆泉州山名

寫難停

詩山廣有名流句獨讓香閨嗣阮亭

玉臺佳什此爭傳我憶先芬倍愴然一掬篝燈承淑訓

宮廷猶少大家篇

先太淑人啟秀軒集時尙未彙

俞荔塘封翁約 家大人偕韓花農沈一青曹晴

盧孫竹軒胡介菴金啟堂周少白諸文集龍源
樓爲燕臺九老會 家大人首唱二詩命和敬

賦

道合邱園壽作朋丹椿同喜歲年增縱教名位香山遜
不愧當年九老稱

鶴骨松身杖未扶煙霞是處足清娛秋潭春圃看吟徧
何止流傳洛下圖

歲杪劉海臣比部 宗標 邀同吳星樓舍人 應揚 黃

逸樵太史 桂丹 寓齋小飲

淒然風景闌時促，
高談慰所思。
徵士宛聯三益友，
浪仙將祭一年詩。
黃羊祀竈看隨俗，
綠蟻浮樽許啜醅。
綵筆來春同畫日，
泰山登後想心期。

時甫遊泰山歸以
泰山高詩見示

金粟山房詩鈔卷二

乙丑至己巳

大興 朱鶴瀛 芷青

催妝

綺梅香裏玉簫遲，纔得秦樓彩鳳栖。
似我何須桓範客，知卿應學鮑宣妻。
鴛盟譜已三生合，鴻按人將百歲齊。
從此蘭房酬唱早，畫眉聲動畫窗西。

歸娶難教待玉堂，娛親曲早聽求凰。
高年喜見青廬拜，小妹憐看翠羽妝。
敢詡閨門添韻事，相期黻佩詠恩光。
香濃錦帳寒先減，會占春光九十長。

金陵告捷予友廉挹山

信

以功超擢郡守凱旋入

都與鄧和卿光祿

鍾祥

阮徵九城尉

兆蘭

李秀

峰駕部

寶華

虎峰中翰

如松

季士周上舍

邦楨

俞鏡人孝廉

德

同集敝齋話舊

去歲送君行短袂凭孤輪今晨君莅止五馬何軒僮
僕走相詫賀者紛盈門豈知高士志夙忘詘與伸但幸
太平覩未屑功名論繫肘印已獲出關繻尙存知己自
所重要歸 天子恩中宵吐虹氣長嘯卑蘇秦

少日契苔岑落落祇數友鄧攸齒最先俞跼才素有棣

萼景讓輝竹朋嗣宗偶於中推季札縞帶輪更久君來
甫下車一一欣聚首閉關祛賸客言情藉尊酒歡顏上
秋菊別緒銷春柳偶談軍中事縱想神州九謂少定遠
略燕領相尙負我素望盞醉於茲引數斗何當懾戎羌
獻頌靈臺右

容生賀予新婚東風第一枝詞首云海比濃情花
儷豔思人閒一時無兩感其知予甚至然語殊
過分不可當矣書此以質

言情首關雎豔思自茲始中正無淫傷萬古師君子良

友美我才情賒謂能如海兼如花海太深兮花太膩坐
想和光淡宕春無涯

喜晤趙甘侯明府

澍霖

弱齡投筆事封侯才調爭推趙倚樓騏驎長途覘獨往

曾在軍中持羽
檄日馳三百里

鴛鴦小偶快同遊

新納姬
人菊禪

論交兩世如

昆弟

尊甫壽莊刺史與
家大人夙契

抗志千秋少匹儔幾載相思深

慰處還欣捧檄近

皇州

自山右改
官直隸

贈戈青侯

履微

青侯逸氣不可收舉步驟欲追驂騑昨與趙

謂甘
侯同

過我茲世竟遇終賈儔我時失志方溷俗得君快如葭

倚玉看留鐵筆誌盟情倩理瑤琴證心曲鐫印章二聽予鼓琴舊

時徐詩容暌天涯鸞飄鳳泊常生嗟會城咫尺幸易

覲胸次落落舒雲霞同林幾日欣依附又聽驪歌指雲

樹相思好藉雙鯉傳淥水紅蓮識君處時佐保陽鍾方伯幕

讀小倉山房隴上作憶予幼賴外大母撫育情

事相同悽然感賦

襁褓看成弱冠年外家大母最矜憐鸞章地寵慈暉

隔淚溼隨園隴上篇

痛失護親甫十齡隨肩三妹影伶俜宵鐙書史晨窗繡
白髮調量瘁幾經

眠食相依總不離手調佳饌供名師龍鍾七秩顏稍慰
喜見童孫折桂枝

佳偶期看小鳳皇塞脩言酌代椿堂青廬隔歲方成禮
淒絕宮袍拜墓傍

宅相思成願久違琳宮何處白雲飛含飴廿載恩何極

悵望門前綽楔輝

外大母於同治四年旌表節孝

秋曉過 金鼇玉竦迥石麓上直

夜色澹將曉濛濛微雨收銀河諸象迴玉井萬蓮秋橋

背此時立詩心無限幽 御亭西復指紅日滿 瀛洲

橋北五龍亭

西卽瀛臺

欲呼冠蓋客仙境小停驂去望瓊華島行過碧水潭
宣麻言待草妙景讓先探不覺清吟久荷香歸尙含

題洪桐孫 梧 梅花卷子

記取羅浮路相逢萼綠華仙人隔瑤島孤影託梅花卻
月香初冷裁雲珮自斜無言深繾綣攬紙夢情賒

家大人作春謎雅集是夕遇雨惟郭鼎臣同年中

翰

樹銘

張湘濤太史

之洞

偕至縱談至四鼓爲

詩以紀兼調鼎臣

設隱良宵仵客來春街多聽雨聲同料應天惜娥碑字
除卻楊脩不許猜

浣花老子興無窮我愧熊兒技未工不是庭欣今雨集
分曹幾負蠟燈紅

蠶窠燕卵任紛陳妙射元珠有景純僻語能臚盼兒傳
司空彊記更誰倫

予有一條用陳盼兒傳語香濤獨能知之

蓮漏頻催去轉遲欠伸小立更凝思世閒福地原無幾

便賃瑯嬛未是癡

一日三人別有春熟鐺餅子總翻新莫因束帛貪多贈
榜到當時郭舍人

久旱大陰仍不果雨

千里遙看赤日銜濃雲初布幾層嚴雲霓未必符湯望
霖雨還應起傅巖

時倭文端在告

偶值荒災農更苦並無潤下

水皆鹹

城中井竭半飲苦水

桑林聞說頻

親禱感格蒼穹賴

至誠

贈同年陳仲敏解元

光瑄

恂恂陳孺子孝友重吾鄉妙解蓮臺諦

博通內典

高攀桂苑

香摩雲金鸞驚待闕錦鴛鴦

時尙未娶

仁飫瓊筵醴甯教澹

泊忘

立秋前連得大雨

昨雨已奢望桐階今更稠水中涼暗長螢際火微流
眇井都堪汲迴欄乍覺幽翻嫌炎景速明日便新秋

戊辰下第戲柬訂卿

天賦才命各相懸升沈所判仍由天一笑尋春春不得
探花負此兩少年憶昔徐陵綵筆妍月中攀桂掇芳鮮

通明試罷日方午與君哦詩作字相流連

壬戌試和殿予與君保

交卷最早

若使直逢天上燒尾讌尙在鳳鼎首冠蓬山前

戲謂

蔡季珪如何君旣卜和璞兩獻我亦魯陽戈三旋空勞

白髮泥金夢幾盼紅閨錦字箋得毋幽燕自昔稱老將

圖畫凌煙以上必華顛希夷旁觀迺大笑

謂仲敏謂此雞

蟲得失殊悠然不爲汗漫遊當修圭旨全杜老江閣可

暫倚桑君鐵硯應終穿果嗽雲漿帶瓊佩便居下界何

啻凌三千更奚羨彼天台作賦客

孫朗山

與夫緱嶺吹笙

仙

王友松皆本科高捷

徐陵聞此默無語我亦歸來黯自憐席帽

巾箱商去住紅塵人海尙喧闐從茲雙隱湖山宅又費
三年刻楮篇

訂卿下第東歸道逢合肥李中丞駐兵立談入幕
旬日擊擒大捷奏擢太守 賞孔雀翎寄賀

纔下劉蕡第旋參李晟軍風雲神特契河朔偉殊勳異
數頒熊軾峩冠綴孔文慙予空抗志叢蔚詎超羣

乙丑闈中子玉夢紅杏二枝予與湘濤各奪其一

湘濤先已探花及第予則至今抱璞甕言耶抑
幻夢耶感而賦此

曲江佳話傳至今仙郎紅杏輝朝簪煙濃日麗兩枝出
非同梅萼分晴陰如何一樣蓬萊彩夢裏春風醒偏改
榮如專寵金屋居悴若遠嫁胡塵委韶光豈負俊遊人
多恐南華夢未真我欲尋花問誰主晴晝惜惜花不語

許卿邀予佐潘琴帥戎幕香聽書來有靈椿樹老
並蒂花穠從軍之行且須斟酌數語爲詩感謝

兼答許卿

請纓人正許終童康節書來意不同去住總叨良友愛
馳驅空負少年雄縱忘鴛偶化離怨難釋烏私眷戀衷

作計幾番纔自決祇期三釜室能充

近畿軍事告蒞同人多以功蒙奏獎

見說封侯路諸公袞袞登何人甘大隱羣此翊中興烽
火郊原息羌戎和議增慙予持寸管裨國又何能

呈舅岳馬春陽先生

傳煦

孝友家風外氏傳持門特見女甥賢蓬瀛慙我難追步

領袖南宮第一仙

己未會元

十年清望冠詞曹爲戀西湖脫錦袍

方膺京察
遽引疾歸

賀監

風情陶令節一時都並鼓山高

送容生之官大梁

題襟幾日又離筵，依舊秋風鶻薦天。
同榜我如揚解客，斯行君已出山泉。
遭逢得此甯非幸，歲月催人絕可憐。
莫悵相思今更遠，中嵩峰頂望齊年。

曾共徐陵賦筆操

謂許卿太守

蓬山會擬踏靈熬，偶然出岫

雲俱易從此論文，酒不豪名。字賸予支足，鼎功名憐爾。
割鮮刀金門有日還，惆悵獨向春風試彩毫。

自金臺書院步遊金魚池

金臺南畔縱遊初，不見當年雲水居。

國初時梅村祭酒曾居此，有詩云金

魚池上
定新巢
獨愛一池清
旭照素波紅
影上文魚

荷亭納涼

石枕竹方牀
披襟坐晚涼
不知清露下
荷氣滿亭香

秋霽

寂寂房櫳靜
新晴暑不生
月澄銀漢影
秋入玉簫聲
醒酒此時夢
懷人無限情
花香微觸處
幾陣小風輕

移書齋於別院喜賦

三椽別啟隔
喧闐爲稱閑
身意洒然白
苾粉香鉤墨
搨碧梧窗靜
補琴箋宵談
可代思高詠
晝課無多任
早眠

莫笑書巢少風月胸忘塵事儼神仙

效集杜體賀家筱舟大令得選河南淇縣卽送之

任

北部初高選歡娛到薄躬家聲期共遠絕境與誰同京
洛雲山外交親氣概中竊騰訪知已今日意無窮

幾年一會面相見眼終青健筆凌鸚鵡原情類鶴鴿飛
騰知有策醉舞爲誰醒歲晚仍分袂躊躇此驛亭

磊落衣冠地浮生倚衆人別君誰暖眼見我夙心親努
力輸肝膽含悽話苦辛風期終破浪一起轍中鱗

衛侯不易得崔峯故園煙文物多師古官曹許接聯無
爲向歧路有迹負前賢才美應推荐清渠一邑傳

過永光寺街有懷故友陳馨山太史

本枝

玉樹臨風冠等儕紫霄翔後竟塵埋永光寺側門依舊

殘墨悽迷蘭雨齋

往年與君結
蘭雨齋詩社

題丁孝子冰天夜禱圖

雅璜寓
保季子

慈竹將枯雛鳳失所中夜哀呼天平恤我欲恤我身亟
愈我親金滕苦禱夜夜前陳一解父兄未知曰兒何糴僮
僕已窺曰主何愚感三春暉忘冰雪涸髮凍膚僵毅然

不顧

二解

祥卧鯉躍殷嘯堇萌胡哉大藥勿降以靈不許

之生則從以死大罪猶呼嗚呼孝子

三解

家有夔砧烈烈

垂芬偉茲至性並出名門

詔錫褒榮圖披展弔鳳璽

龍縑千秋玉貌

四解

和訂卿青駝寺題壁韻

光陰彈指悠悠去錦瑟年華夢裏過幾載家貧徒四壁
往時年少詡三河蕭條邊塞黃塵莽僥倖功名青史多
闕下相逢怕關吏請纓南越問如何

才人已嫁邯鄲卒客到邯鄲夢轉長新怨百端聞折柳

舊緣三宿憶空桑
筵前鸚鵡空成賦
天半鸚鸞待整行
我向徐陵索彩筆
題橋他日儻能狂

金粟山房詩鈔卷三

庚午至癸酉

大興 朱窩癡 芷青

過萬柳堂

老柳一無存空堂半將圯惆悵花園村客誰廉孟子

蕙襟弟景明茂才家貧嗜酒而好客頃過所居喜
得阿兄書留客共飲強予巨觥不覺醺然狂歌

以贈

大馮嗜酒如青蓮醉歌跌宕真神仙小馮嗜酒亦希有
往往豪談出兄右舉世多少酒中蟲糟邱暴殄驚天公

如君兄弟庶可飲入口萬趣生冰胸前年大馮去滇海

兩地相思鬱誰解花時重叩子雲門正逢俊弟開清樽

棐几半杯碁未斂椒漿一石餅猶溫執手不遑談索寞

大笑呼我且同酌昨有飛蚊萬里來阿兄爲濟酒泉涸

我聞此語方齟然亟飛一觥置我前謂愛良朋宜愛酒

不飲胡契竹林賢我量素僅三燕受奚能勝此綠玉斗

喜極如鯨吸而乾君亦失驚爲拍手吁嗟乎人生不能

步金闕百萬蓬蒿儘埋沒眼前爛漫猶存眞看吐胸懷

如日月春風獵獵茶蘼香三徑應計東皋荒會見雙鳧

入臺省

蕙襟方卸昆明縣任改官舍人

更與君家兄弟花前月下傾千

觴

偕劉海臣吳星樓何翊臣

輔清

三部郎讌同年龔

湘浦太史

承鈞

於松筠菴卽送督學山右

太史湘江彥才名稱大科傾尊同北海秉節向西河星
月蓬壺遠雲山杞梓多交深言許貢撥采重巖阿

題家小舟大令愛蓮圖

敢擬眉山傍大蘇生花妙筆世原無廿年詩夢池塘遠
兄領明湖弟鑑湖

昔年淇澳懷君子今日榛苓望美人
舊任淇縣改選山右恰好西

方生佛戴家家瞻此妙蓮身

初試鳴琴興有餘綸竿入手羨何如
相期學士傳金炬還共花封候板輿

哭仲妹琬卿五十六韻

劉家三妹好慟忽起荆枝位異爻
先闕妹序居長隨兄稱仲占臨

驗特奇去歲卧病占日入月有凶秋果不起空諧鸞鳳偶
永感鶴鴿思慧

記嬖媿日庭傳寫窈窕帖纓初學步
對鏡偶當眉名早

鐫茗叶名韞珍小字琬文嘗倒薤爲四齋
耽弄繡五字學哦詩

正仰舍飴愛

與予同爲外
大母撫育

旋興陟配悲經麻同慘淡泣

涕獨漣洏至性醅誰及天情朗共推愁能嚴父解敏欲

伯兄師調任高年佐攤書午夜隨貧兼辭綺繡和宛象

墳箴讓棗推梨歲舉芹折桂時登科憐我蚤逮養恐親

遲隴上慈雲遠

癸亥
大母沒

外堂前愛日移櫛笄爛訓典翹

楚想容儀未引紅絲幔先刊紫石碑蘭因千里契

皋蘭
李荔

耘蕭山陸韻琴兩夫
人訂入蘭因文社

椒頌一庭宜屢顧靈椿老思將暮

景怡勸予宜早室累爾進良規相姑欣承命昌媯代剖

詞百年諧伉儷一語釋游移度果覘邱媿情還慰寶姨

小年矜弱妹先嫁喜高楣

佩卿三妹先一年于歸傅氏

冉冉芳春節

生於二月八日

迢迢杏苑期幾經慙瑋環纔見結衿襦隘薄容

無戚帷墮禮自持

翁多寵姬

辛勤操井臼宛轉奉盤匱度巧

鴛鍼速

三妹生子彌月製繡襟數事一夕而就

偷閑蠹簡披偶揮青玉榦

遙動白雲司

妹倩馮怡棠官比部郎偶攜妹所畫蘭竹紈篋入署寅僚爭乞

燕誌于飛

樂鳥殷反哺私鈿車迎幾度黻佩覩雙垂佳偶看聯袂

衰親爲點頤談衷恆款款聚首各熙熙小愜平生願方

期後福綏神誰知已悴疾遽伏難治爲塵高堂念頻將

謬語支徵蘭稱有兆求艾苦無醫望遠心空跂經年體

暗羸每防人問視特禁口呻呷花好風偏妬筠高雪竟

欺月礎秋忽斷

去秋病中有
月下聞礎詩

雲輅杳何之最痛彌留際

猶愁老父知囑多忘舌蹇計遠覺心癡鴈折哀何極鸞

吡慘若斯淚先潘岳灑才孰左芬追憑弔親心戚交傷

眾口咨誅詞投貢父

同年劉海臣太
史爲文以誄

純孝邁嬰兒畫稟

雙廚積吟箋半篋遺

所著有浣
青詩草

留刊應待我競爽更憑

誰泣共桐階溼輝今棣萼衰大雷書宛在永日恨常滋

往事追髫歲秋光冷總帷門闌嗟已寂手足歎輕離願

汝來爲弟重依謝客池

癸亥會試予與龔湘浦儀部同寓舉場東甌門外
全姓宅內是年龔得鼎甲辛未復偕訔卿寓此

漫題壁上

貢院東旁屋兩椽舊時龔况此騰騫春風門戶依稀記
社燕重棲已十年

風流太守樂遊春吉宅同欣一榻陳利市襴衫看更著
肯將佳話讓前人

辛未禮闈報罷宗室伯熙孝廉盛昱詩中有未必

百年爭一第之語爲二律以答之

舉世豔高第誰知科目眞售時文已賤用世道方伸殼
裏英雄少寰中事業新聞言消瑣碌同勵百年身

君本天潢彥學經夙業優上公承閥闕名士廣交遊讌
豈瓊林重光應 玉牒留枝棲慙許共邈矣鳳鸞儔

謝杜亦川姨岳

承恕

惠寄杭絃

時官浙江理問

幼慕琴高學弄琴無絃終覺趣難尋越人絲好勞相寄
一片清泉素雪心

長者風情儼牧之繫桐遙許慰相思從知吏隱多高致
西子湖邊日詠詩

春晝偕彼珊妹倩就章叢卿比部

奎耀

取琴聽珮

卿妹彈碧澗流泉平沙落鴈二曲

春蘭

一枝擢紫莖清曉夢破聞微馨悄然寂坐詩懷振

忽逢可人款柴荆邀我訪舊城東行
叢山樵子

叢卿自號百

藝精援琴能爲太古聲手寫祕本頗自矜何家舊法傳

非輕

譜得自香山何氏

彼珊學之旬日成令暉遞授亦復能駕

鸞絃上妙指并按譜宛效連珠廢知我久厭箏琶聽特

向仙人借紫瓊晴晝坐鼓怡我情初看動指揮瓏玲碧

澗漸放流泉鳴炯如鷗汎隨青萍迤邐直下瀟湘屏須

與小輟曲復更凝想羣鴈歸沙汀斜陽一片煙水明急
節繁響懷復清飛鳴食宿如有形暢然天籟爲寫生浩
浩無復塵心櫻記予操縵歲幾經欲企妙技猶未曾何
意香閨存廣陵安得早踐鏡水盟兩家聚處相望衡沙
哥崔姦時將迎綵衣奏此娛親庭思之良久心爲怍歸
正嗁鶯亂午鈴花香大放筆不停歌成寫送當報瓊觸
紙尙帶聲泠泠

送崔子玉大令入蜀

崔顥豪狂甚辭予向嶺涯壯遊今萬里名地古三巴橐

但攜吟草流還溯浣花爲愁名爆處循吏掩聲華

悲歌燕趙客來往宦遊身所至人皆識匡時志獨真欣

然事捧檄儵爾自超塵遙想干官侶爭迎一角巾崔自號一

角巾客

挽俞孺人陸韻琴

名翰緣蕭山太學生淦女知書善畫事親以孝聞年二十二歸

宛平俞鏡人孝廉相莊九載今夏鏡人遭危疾封股禱神請以身代越旬日鏡人瘞而孺人卒

同鄉以往時孝行並請於朝得旌焉

九載詩賡靜好吟一朝逝水發悲音伯牙今愴情絲絕

雙韻軒中舊寫琴

所居室名雙韻軒

血贖回天志竟酬紛添彩縷笑凡流

沒值端午

神仙何戀人

閒世早代郎君赴玉樓

悽絕鰥魚啟畫廚鏡中人影似鸞孤如何卻死香能借
不學雲容體共蘇

左芬臣妹最相親涕感山荆亦夙因斷楮零縑俱寶貴
從今難遇管夫人

側聞 褒誥語輝煌誅到芳蘭字亦香豈只一朝名女
士完人千古共流芳

鏡人門下士宗室盛昱之母那遜太夫人蘭保手書挽聯云名女士

為真孝子小謫仙作
大完人一時傳誦

蕙襟司馬自川轉餉入都喜晤

詞壇結契感忘年曠世才華萬口傳篤愛幾人同奉倩

名官當日本屯田攜來蜀國三都賦話到滇雲萬里天

卻憶離筵秋餞日短衣匹馬

帝城邊

甲子春匹馬出都赴雲南恩安

縣任予獨送至廣甯門外

緣堅文字儼如膠來翦寒鐙話舊巢名士近多同餅畫

故人心自有蘭交酒逢磊塊偏能飲詩付奚奴亦解鈔

僕姚福工書彙出輒代騰寫

一笑升沈渾忘卻祝君翻喜滯征鞘時以

餉事轆轤未卽出都

畫工爲予繪二照一坐石撫琴一旁立傾聽若會
意狀戲題五絕句

何曾古調向人誇祇覺知音世每差試解高山流水意
鍾期還恐不如他

曾聞鏡裏判妍媸絃上心情也自知平卻虞翻無限恨
三生石畔賞多時

我調於今竟寡彈我還思古古難攀不如自領移情妙
胸有成連海上山

年來笑比爨餘桐祇道瓠巴技未工漫怪仙音人不識

鳥飛魚躍本恩恩

三疊仙心證妙因周旋我我亦非真披圖祇恐旁觀訝

道是雲房有幻身

樂亭史母王太宜人壽詞

香厓先生夢蘭母佛誕日生香厓五薦春官不

第將謁選母謂之曰家有薄田得汝日在左右課諸孫讀書勝祿養多矣母慕外榮而忘天屬之至樂也孫履泰官戶部疊膺誥命並以節孝及五世同堂受旌焉

多福晚彌膺門由壽母興八旬慈鶴健五世慧龍增就

養辭霑祿懷清憶飲冰遺榮榮轉盛生本佛同稱

有子富文章歐公許頡頏宮詞陰教闡

香厓有全史宮詞行世

廷誥美名彰桂籍孫枝衍萊衣畫省香曾元方領識行
奉百年觴

晨起

涼雨迎朝曦靜如搏露掌鵲噪窗微明披衣味晨爽

立秋前二日雨

一雨秋先換羅衫怯晚涼紅塵誰熱惱碧簟自徜徉指
識琴絲潤毫濡墨瀋香新書紈扇罷篋笥忍相忘

雨旬日不止戲作排悶柬諸同人

挹盡岷峨萬嶺煙來逢京國雨連縣先生手有媯皇石

隨處相教看漏天

蕙襟

今雨不來例可援草堂終日寂無喧杜陵騎馬愁看客

五馬翻勞爲候門

訂卿

連宵阻漲碧谿邊一事誇君眼界妍昨在蓮花池上見

蕩根撐岸大如船

鏡人時新納
姬人效滿妝

鵠原分手各羈栖聽雨今番榻正齊卻笑池塘連夜夢

先飛一半到遼西

景明寄
眷吉林

舟中偕訂卿賦示吳友某儀部

徐陵不作南征賦朱放行吟塞北山記得家鄉好風月

蘭亭亭子鏡湖灣

有酒如淮飲若何尋思影事月橫波碧羅衫袖紅牙板
往日吳儂盡解歌

題王仲恆西湖返樞圖

秦淮碧波光萬頃銷盡繁華春夢醒他鄉塵事了無痕
賸載浮雲滿孤艇游歷當年苦未休幾番塵勝逐名流
射策不知招隱句西湖曾借秣陵秋彈指光陰馳若轂
依稀舊迹尋蕉鹿仙調徒吹子晉笙世人誰賞陶潛菊
一朝收拾作閑人肯向湖邊戀此身鑪峰地結香山社

丹桂枝分棣萼春平橋月色催人早遊子都非青鬢好
倦遊從此賦歸與延清閣畔稱詩老吳越圖開煙水賒
扁舟一運柴門斜卻笑故園黃葉滿半生忙只爲槐花
由揀選知縣大挑二等改官國子監學正賦示同

志

戊辰考取教習
方屆傳補未赴

索米年來已大難如何謀宦守長安爲貪吉語芙蓉鏡
怕署頭銜苜蓿盤三疊曲誰成妙道九還仙莫誤疑丹
闈橋班與西清接待博詞人本分官

藩籬一寄歲頻更

自甲子春館
於外八年矣

尙滯飛鵬九萬程食肉

相原輪定遠執經人正仰陽城壯懷可遂親將老卑宦
無聊志本清願博微精繼菽水倘能稍勝硯田耕

女兒節竹枝十首

長安五日勝如春榴子含芳紅可人細葛香羅剛稱體
釵符艾虎又翻新

綵綫絲絲玉黍搏秤鎚九子並登盤春蔥幾度拈菰葉
不學吳儂製粉團

今年壠色秀於蒲摘得時芳獻黍菰麥穗太豐瓜太小
別翻新樣五時圖

一番嘉果熟林舉火齊珊瑚萬樹豪收向冰盤供五日
朱脣先與試櫻桃

雨晴南陌快閑遊無數輕車鬧碧油記得年時淮水上
紅旗畫鼓看龍舟

鏤金花勝笑相貽樓閣全資妙手爲不道赤靈符子在
更拈彩筆畫鍾馗

折得青棠枕畔看五絲索子製連幡紅閨小女雙纏臂
也喜佳名是合歡

端午恩榮被內家宮筵彩糗笑喧譁長生忘與蓬萊近

卻泛流觴問紫霞

浴罷蘭湯自蒸香慢聲小令侑蒲觴江南句好無人誦
簾外鸚哥翦舌忙

榴紅護翠映窗紗鬪草歸來日未斜更有一番閑意趣
女兒節試女兒花

九子糗

誰將彩索易蓬桑五色雙挑繡葆長利市未應分玉果
華筵新見浴蘭湯映來蒲節誇龍種棲得菰雲本鴈行
聞道 堯宮將叶祝不須多子薦榴房

五時花

唐宮五日鏡奩開披拂香雲費剪裁
巧卉不同拈艾製內家剛遇采茶回
釵頭戴許靈符伴巷口拋成異錦堆
最是毫端奇麗處別翻花樣炫蓬萊

長命縷

映門朱索正連葦纏臂還添五色文
人奪錦標誇此日佛成金蓋有香雲
長生證到蟾蜍角仙夢驚回蛺蝶裘
知否葛翁沈醉日綵絲通問正紛紛

辟兵符

可容蒲劍試新硎探得靈符號赤靈朱索有時連卯木
白虹無處問庚星能回妙手于闐玉勝鍊仙形內景經
從此游光知斂迹玉精金虎降丹庭

題蕙襟詞卷

香草會幽旨綺窗吟興賒名高大馮氏集號小秦嘉

詞名

小秦嘉集玉珮自騷雅金荃空作家霑襟聞幾輩惆悵拍紅

牙

金鴈一聲語寥空哀怨多情天紅豆種香海白蘋波浮
世宜斟酌唱仙音領刹那盈盈誰和者秋水問湘娥

銷夏四詠

涼篷

銷得炎光向午餘，遙空一幕景何如。
添雲未許吟窗見，近水渾疑畫舫居。
盆蕩初花人意澹，井梧交蔭夜涼徐。
紗櫺鏤影微紅出，應是詩人得句初。

冰琰

街頭賣梅子湯者以兩小銅盞相擊作聲謂之冰琰

午風庭院擘瓜時，一片清音到耳宜。
是處晶簾能答響，有人銅鉢誤催詩。
紅塵熱鬧聲偏冷，碧簾徜徉韻早隨。
算到此心能飲水，平生祇有玉壺知。

蒲扇

六角風流晉代傳，雅談偏覺趣蕭然。
有人揮灑增高價，隨處清涼證妙禪。
揮塵花間稱隱客，舞巒石畔見癡仙。
愛他半點塵難浣，絕勝齊紈素影鮮。

櫻鞵

策杖閑行意未窮，芒鞵持較製尤工。
偶然清景邀看竹，多少紅塵歎轉蓬。
客子埽愁應有帚，仙人題屐不因楓。
階前一樣淺雲色，獨立昂藏氣吐虹。

爲黃碧川同年

照臨

題畫扇

無邊風露起清愁一片芙蓉萬柳秋
滿耳涼蟬聲不斷方塘誰駐采菱舟

雨後登報國寺土山望西山諸峰

前代昆盧閣相邀拾級從炎光銷一雨
秋影淨羣峰樹密鳥稀到日高人罕
逢雲房奇絕處隱几見芙蓉

邀筱珊妹丈劇宴卽送省親東昌任所

翠幕乘鸞客青衫司馬身趨庭向東
郡奏曲感南隣驛柳攀何速咳蘭采
正新清河傳鯉訊千里自通津

題槐廬生烈女記院本

龍松琴同年撰記
彭溪江烈女事

濁霧暖月光不改明蟾潔眾草錮蘭芽愈顯奇香烈卓
哉江氏女克創千秋節始羞秋胡金終銜精衛石尊章
與父母相愛莫知惜骨肉一何愚天地一何窄我讀槐
廬詞感慨重於邑古今貞孝事多少稱殊絕不遇閨幽
者總付荒榛棘卽茲烈女心豈計名不滅一朝表其奇
滿紙遂惻惻當年侘傺狀如見復如識直可風世人奚
止慰幽魄所願知音士普聽此歌闋寫以綠筠箋吹以
紫雲笛女有屈原心詞真董狐筆

吳子實太史

寶恕

約同海臣星樓逸樵樊介軒

恭

煦 李苾園 端棻 梅少巖 啟熙 三太史王友松 鵬

運 郭少蘭 發源 王萃鉏 緯 張少原 元普 陳鳳笙

正笏 吳笏山 傳縉 諸部郎同年讌集

風雪生寒夜杯盤話舊緣相逢郎署客幾輩玉堂仙瀟灑人誰及蹉跎我自憐多情感吳質盡醉各歡然

太姻丈沈雲巢方伯 兆溥 九十壽

再共羣仙詠大羅 庚午重 燕鹿鳴 平泉晚福羨婆婆曾看桃實

三千歲已領蓬山廿七科 嘉慶丁丑翰林 此日鄴侯衣正 賜

晉頭品 頂戴 當年郇伯黍猶歌蘭階樹映恆春色 文孫三人皆官京曹

遙識津門瑞彩多